



CONCELLO DE VIGO  
Secretaría de Goberno Local

**D<sup>a</sup>. PATRICIA RODRIGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na **sesión ordinaria do 22 de marzo de 2024**, adoptou o seguinte acordo:

**21.- EXPEDIENTE PRORROGADO DE SUBVENCIONS PARA A ORGANIZACION E DIFUSION DE ACTOS SOCIAIS E ENCONTROS VECIÑAIS PARA O ANO 2023. Expte. 11239/320.**

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día, de conformidade coa xustificación que consta no expediente aportada polo servizo correspondente.

Visto o informe de fiscalización de 19/03/2024, sométese a aprobación o informe-proposta do 18/03/2024, asinado pola xefa de Participación Cidadá e conformado polo concelleiro delegado, o concelleiro da Área de Goberno e o concelleiro da Área de Goberno de Orzamentos e Facenda, que di o seguinte:

**ANTECEDENTES**

I. Por acordo da Xunta de Goberno Local, en sesión ordinaria de 1 de setembro de 2023, aprobáronse as bases reguladoras das subvencións para o financiamento de gastos de organización de actos sociais e encontros veciñais para a ano 2023.

Ditas bases foron publicadas no BOP núm. 179 do 15 de setembro de 2023, así como, na páxina web do Concello de Vigo, promovéndose a concorrencia de solicitudes polo prazo de 10 días naturais, a contar dende o seguinte da publicación do extracto da convocatoria no Boletín Oficial da Provincia de Pontevedra (20 de setembro de 2023).

II. O concelleiro da Área de Goberno de Parques e xardíns, Comercio, Participación Cidadá e Festas Especiais, conforme ao establecido no apartado 11<sup>a</sup> das bases da convocatoria procedeu ao nomeamento dos titulares da Comisión de Valoración, que unha vez reunida en xuntanza do 19 de outubro de 2023, conforme á información e documentación obrante no expediente, procedeu a realizar a avaliación das solicitudes presentadas cos resultados expostos na acta da comisión asinada por todos os seus compoñentes, acordando estimar a relación das vinte e unha (21) entidades as que se lle propón conceder subvención, para os Programas para os que solicitou axuda, así como tamén desestimar (total/parcialmente) as solicitudes e retirar conceptos non subvencionables, que non cumprían cas condicións e requisitos establecidos nas bases

O proceso de outorgamento das subvencións realizouse en base aos cálculos detallados nos baremos que constan no expediente da convocatoria, e conforme aos criterios de valoración establecidos na cláusula décima das bases reguladoras da convocatoria. Cabe sinalar que nesta convocatoria realizouse a baremación das solicitudes recibidas, se ben, non se adjudican as axudas proporcionalmente á puntuación obtida, xa que, o crédito dispoñible é superior ao importe



Copia do documento - Concello de Vigo	Data impresión: 04/07/2024 04:14	Páxina 1 de 3
SUBVENCIONS	CSV: AHA15B-BFAFC9-ACE6AE-BA5X5N-VT3B7F-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

solicitado polo conxunto das entidades solicitantes unha vez aplicados os límites fixados na presente convocatoria.

III. Formulada a correspondente proposta, foi fiscalizada favorablemente pola Intervención Xeral Municipal en data 13/11/2023.

IV. Mediante acordo da Xunta de Goberno Local, en sesión ordinaria do 17 de novembro de 2023, aprobouse o acordo de concesión con identificación das beneficiarias e contía outorgada, así como a desestimación, respectivamente, das subvencións para o fomento do asociacionismo e a participación cidadá para a ano 2023. Así mesmo, acordouse modificar o prazo de xustificación das subvencións outorgadas, regulado na cláusula décimo terceira das bases, ata o día **30 de novembro de 2023**.

## FUNDAMENTOS DE DEREITO

O presente procedemento de subvencións iniciouse de oficio mediante convocatoria aprobada polo órgano competente (art. 20 da LSG) e tramitouse en réxime de concorrencia competitiva, de acordo co art. 22.1 da LXS.

### EXPEDIENTE PRORROGADO:

Debido ao retraso producido na tramitación das presentes subvencións, este servizo xestor non tramitou toda a xustificación das ditas subvencións no ano do outorgamento, polo que cómpre que a imputación orzamentaria se faga con cargo ao crédito deste ano 2024, de xeito que as entidades beneficiarias que xustificaron dentro do prazo, non perdan o dereito.

As Bases de Execución do Orzamento Municipal establecen o seguinte:

· **Base 38 de execución do Orzamento:** non caberá a posibilidade de que unha subvención concedida no ano poida ser incorporada como remanente ao orzamento do ano seguinte, polo que, se a beneficiaria non xustificou dentro do prazo, perderá o dereito, e se o servizo xestor non tramitou a xustificación no ano do outorgamento, a imputación orzamentaria farase con cargo ao crédito do ano seguinte, diminuindo a dispoñibilidade de crédito dese ano...

· **Base 29 de execución do Orzamento:** os expedientes de gasto iniciados nun exercicio e que por calquera causa non se chegue a concretar a contía do seu compromiso poderán terminarse no seguinte exercicio.

Non cómpre para iso repetir os informes emitidos e os trámites realizados, sempre que non se modifiquen as circunstancias de feito e de dereito existentes no momento de emitilos ou realizalo e sempre que exista crédito adecuado e suficiente.

Xa que logo, faise necesaria a tramitación desta convocatoria de subvencións como expediente prorrogado ao non concretarse o compromiso orzamentario no ano do seu inicio e executándose con cargo aos orzamentos do ano 2024, no que existe crédito adecuado e suficiente na **partida orzamentaria 9240 4890015 "Subvencións a entidades cidadás ACTOS"**, cunha dotación de 100.000,00 €. A contía total dos pagos pendentes con cargo ao ano 2024 ascende a un total de **77.581,64 €**.

De conformidade co anteriormente exposto e, previo informe de fiscalización da Intervención xeral municipal, formúlase á Xunta de Goberno Local, como órgano competente para resolver o procedemento, a seguinte proposta de



Copia do documento - Concello de Vigo	Data impresión: 04/07/2024 04:14	Páxina 2 de 3
SUBVENCIONS	CSV: AHA15B-BFAFC9-ACE6AE-BA5X5N-VT3B7F-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		



CONCELLO DE VIGO  
Secretaría de Goberno Local

**ACORDO**

**PRIMEIRO:** Autorizar a tramitación do expediente 11239-320 correspondente á “Convocatoria de subvencións para a organización e difusión de actos sociais e encontros veciñais para o ano 2023”, como expediente prorrogado de gasto con cargo aos vixentes orzamentos municipais do 2024, constando crédito adecuado e suficiente na partida orzamentaria 9240 4890015 “Subvencións a entidades cidadás ACTOS”, cunha dotación de 100.000,00 €, de acordo aos informes emitidos e os trámites realizados que constan no dito procedemento, tendo en conta que a contía total dos pagos pendentes con cargo ao ano 2024 ascende a un total de **77.581,64 €**.

**SEGUNDO:** Dar conta da presente proposta á Intervención Xeral Municipal para coñecemento e efectos oportunos.

**ACORDO**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.  
O ALCALDE  
Abel Caballero Álvarez



Copia do documento - Concello de Vigo	Data impresión: 04/07/2024 04:14	Páxina 3 de 3
SUBVENCIONS	CSV: AHA15B-BFAFC9-ACE6AE-BA5X5N-VT3B7F-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		